

# TUSI TAIALA

---

**MO LE PULEA TATAU MA LE VA'AIA LELEI O  
I'A MA FIGOTA O LE GATAIFALE**

---

**O LE AFIOAGA O**



**SAUNIA:**

Pule mamalu a Alii ma Faipule ma tagatanuu o le Afioaga o Fagamalo ma le Lagolagosua a le  
Vaega o Faigafaiva,  
Matagaluega o Faatoaga ma Faigafaiva

# FAASOLOGA

## **1. Fa'amatalaga e uiga i le afio'aga,**

1.1 Faamatalaga o foliga va'aia faanatura o le Afio'aga

1.2 Faafanua o lenei Afio'aga

## **2.m Tulafono i Aso ua Mavae ma Aso nei (Siosiomaga o le Gataifale ma Faigafaiva)**

2.1 Aotelega o tulafono o le siosiomaga o le gataifale ma faigafaiva i aso ua mavae ma ona po nei.

## **3. O lenei Fuafuaga Tatau**

3.1 Autu

3.2 Tapenaga

## **4. Fuafuaga Faataatitia a le Afio'aga**

4.1 Ina ia faamalositia tulafono faalenuu e faasaina ai faigafaiva e le talafeagai i Fagae'e .

4.2 Ia faasalalauina tulafono a le Afio'aga.

4.3 Ia iloilo ina tulaga talafeagai o le faasaoina o se vaega o le gataifale o le Afio'aga .

4.4 Ia iloilo ina le tulaga talafeagai ma le lelei o le gataifale mo le tufaina atu ma le faafaatoagaina o i'a ma figota .

4.5 Ia unai'a Faigafaiva i tua 'au ma Aoaoga mo faigafaiva.

4.6 Faamatalaga e uiga i Upega ma I'a laiti.

4.7 Ia taofia le lafoaiina ma le faatafunaina o le Gataifale.

# **Fa'alupega o le Afioaga**

**AFIO AIGA O MAVAEGA**

**LE MATUA O LEASI MA AIGA SA LEASI**

**AFIO MAI TOGOIU, VAGANA MA POLOTAIVAO**

**MALIU MAI LE FALETOLU MA LE ATI**

**TOEMANAVA**

**MAMALU IA OULUA SAITUPUA MA LE ATI**

**LUATOGA.**

## **Faatomuaga**

O lenei fuafuaga o le Pulega o le Siosiomaga o le Gataifale ma le Va'aia Lelei o i'a ma figota, na saunia e Alii ma tagata o le Afio'aga o Fagae'e, faatasi ai ma le lagolagosua a le Vaega o Faigafaiva o le Matagaluega o Faatoaga ma Faigafaiva (MAF) atoa ai ma le Polokalame Fesosoani a le Malo o Ausetalia (Aus Aid).

### **Sui auai o le fono faai'u e taliaina ai lenei fuafuaga.**

Ali'i Taua  
Pulenuu  
Failauga  
Alii Ofisa sili o le vaega o Faigafaiva  
Alii Ofisa Sinia o Faigafaiva  
Alii Ofisa mo le Va ma Nu'u  
Alii / Tamaitai Ofisa  
Ma Nisi Sui

### **Sui o le Komiti mo le Va'aia Lelei o I'a ma figota (KFVL)**

(Ia faamaeaina pe a uma le fono faai'u e taliaina ai lenei fuafuaga).

#### **Matai**

Mailei Sosaete (Pulenuu)  
Auna'i Uesile  
Lua'ia Malae  
Moeveve Ioane  
Lamailegalu Kavana

Moeveve Pouniu  
Pepe Sau'a  
Pepe Pouvalu  
Lamailegalu Ioane

#### **Aumaga**

Simati Luamanu  
Famoso Moeveve  
Faauli Osokoe

### **Sui o le Ofisa o Faigafaiva;**

Mauigoa L Bell	Sui Faatonusili Ofisa o Faigafaiva
Seuamuli Totive	Alii Ofisa Sinia o Faigafaiva i Savaii, (Extensión)
Jenny Kallie	Tamaitai mai Ausetalia
Mike Rimmer	Alii mai Ausetalia
Mauisi'isi'i Moamoa	Failauga mo le va ma nuu
Pouvave Fainuulelei	Alii Ofisa Sinia (vaega sueste)
Maatui Fitifiti	Alii Ofisa Lagolago o Faigafaiva
Iulia Kelekolio	Tamaitai Ofisa Lagolago o Faigafaiva

## FAALAUITELE

<b>Fa'amatalaga</b>	<b>Aofaiga</b>
O le faitauaofai o tagata o leneu alalafaga	200–300
O le aofai o aoga i totonu o le afioaga ---Tulagalua Junior High	0 0
Aofai o Ekalesi i totonu o le afioaga	1- EFKS
O le umi o le aau o le Afio'aga	200--250
O le mamao o le aau mai le matafaga (mita)	5--10
Vaega aupito sili ona loloto o le aloalo pe a pe le tai (loloto , futu)	5--10
Vaega loloto o le aloalo pe a pe le tai i aso ua mavae (futu)	5--10

## FAIGAFAIVA

<b>Fa'amatalaga</b>	<b>Aofaiga</b>
O le fitauaofai o tamaloloa faifaiva e fagogota i le tasi le aso i le vaiaso	10
Aofai o fafine fagogota i le aso i le tasi vaiaso	4
Aofai o tagata fagogota i tuaau i le aso i le tasi le vaiaso	3--4
Aofai o paopao e faaaogaina mo faigafaiva i totonu o le Afio'aga	10
Aofaiga o alia fagota o lo o faaaogaina mo faigafaiva	----
E faatagaina ni tagata fagogota mai nisi alalafaga e fagogota i lo uotou gataifale?	Ioe

<b>Ituaiga I'a / Figota</b>	<b>Ituaiga Faigafiva</b>	<b>Taimi faaalu mo le tasi tau'i'a /10 i'a / ofu(Hrs)</b>	
		<b>Taimi nei</b>	<b>10 tausaga ua tea</b>
I'a maua soo (se 5)			
1. Pone	Matatao	1-1 ½ itula	10 minute
2. Malau	Ua'ua	1-1 ½ itula	10 minute
3. Matapula	Ua'ua	1-1 ½ itula	10 minute
4. Tuuu	Matatao	30 minute	10 minute
5. Fuga	Matatao	1-2 itula	30 minute
Figota maua soo (se 3)			
1. Tuitui	aoina	2 itula	30 minute
2. Fugafuga	aoina	2 itula	30 minute
3. pipi	eli	2 itula	30 minute

<b>Isi Faigafaiva</b>
Lafolafo

<b>Isi taumafa o le Sami</b>	<b>Taimi faaalu mo le /10 mea ua taua (Hrs)</b>
matalelei	2 itula
iga	30 minute
loli	1 itula
gau	2 itula
fugafuga	2 itula
sesema	2 ½ itula

### VAEGA TAUA O LE SIOSIOMAGA MO FAUGAFAIVA

<b>Vaega</b>	<b>Vaega taua (sikuea mita)</b>	<b>Taimi nei Sefulu tausaga ua te'a</b>
Togotogo	-----	-----
Amu	50	100

#### 2.1 Tulafono faale-nuu i aso ua mavae ma aso nei.

O le tele o tulafono i aso ua mavae o lo'o faa'auau ona faa'aogaina pe i o aso nei . O nei tulafono e aofia ai ; fanai'a , ava niukini , vailaau oona ma tuiga.

O le faa'aogaina o fanai'a , avaniukini m vailaau oona mo fagotaga sa faasaina lea i totonu o Fagae'e , ae peitai e lei faasalalauina lea i le leitio (2AP) vagana ai totonu o le Afio'aga ua maea ona fofogaina ai.

I le aso 28 Setema, 1999 , na talanoaina ai e le komiti le faa'auauina o le tulafono e faasaina ai faigafaiva e le talafeagai i totonu o le Afio'aga.

O nei tulafono o lo'o faamamaluina ma amanaiaina e pei ona sa i ai i le taimi muamua faatoa faamamaluina ai i totonu o le Afio'aga o Fagae'e , ae peitai e le o mamalu i nei vaitaimi ona o le le amanaiaina e isi Afio'aga o tulafono a Fa gae'e.

#### **O mafuaaga la nei e pei ona taua e aofia ai :**

- . Leai o se faamalosi faale-malo,
- . O nisi tagata o lo'o silasila nao le taimi nei ae le o tagai i le taimi oi luma Faapea foi ma le lumana'i manuia o tupulaga o le Afio'aga o lo o lalovaoa.

O nei mafuaga uma o loo aafia i le Fuafuaga mo Pulega o le Siosiomaga o le Gataifale ma le Va'aia Lelei o i'a ma figota o Fagae'e.

E le gafatia na o le malosi faaletulafono a le Malo ona malu puipuia ai le siosiomaga o le gataifale ma ona tamaoaiga . E utiuti tulaga tau tupe ma to'agaogao foi le afaigaluega a le Malo latou te faamalosia ma unai'a tulafono tau faigafaiva i nuu taitasi o Samoa. O le fofu talafeagai o lo'o i aao o tagata o loo soifua ma alaala i le Afioaga faatasi ai ma le faamalumaluga a le Fono a Alii ma Faipule. O lenei tali o le a le pine ona unai'a tagata latou te galulue faatasi ina ia malupuipuia ma faaleleia le siosiomaga o le gataifale ma ona tamaoaiga mo nei ma tupulaga o le lumanai.

### 3. O lenei fuafuaga tatau

#### 3.1 Autu

O lenei fuafuaga ua taua ai ni faatinoga e manaomia ina ia maua ai sona taunuuga maumaututu . O le faamoemoe maualuga o le Malo ina ia faalelei le siofua maloloina o tagata o le Afio'aga , ma ia fatupulaia atili le fofoga taumafa mai le sami . O lea e manaomia ai tagata uma ina ia avea nei faatinoga e puipuia ai le siosiomaga o le gataifale ma ia fuafua tatau ai le soona fagaota . O nei fuafuaga na faaalua e le Komiti Faufautua o le Va'aia Lelei o ia ma figota (KFVL) o le Afio'aga e avea ma autu.

#### **“Ina ia puipuia le siosiomaga o le Gataifale ma le toe faatupulaia o Ia ma Figota mo tupulaga o le lumanai.”**

Na ioeina e le fonotaga a le Komiti (KFVL) i le Aso 28 Setema 1999, o le Fono a Alii ma Faipule latou te faamalosia ma uanaia vaega eseese o le Afio'aga aua le puipui ma le faasao o atinae ma alamanuia o le gataifale o Fagae'e . O le komiti o loo gafa ma le tapenaga o tulafono o tuafono aemaise o vaega uma e tatau mo le pule mamalu a Alii ma Faipule mo le pasiaina . O lenei fuafuaga ua faamoemoe ina ia oo atu i se taimi oi luma o lo'o faa'aogaina pea, ae peitai afai ae i ai se suiga , e tatau lava ona toe su'esu'eina lenei fuafuaga.

#### 3.2 Tapenaga

O lenei tapenaga sa sunia lava e tagata o le Afio'aga o Fagae'e faatasi ai ma ni fautuaga auiliili ma le lagolagosua a le vaega o Faigafaiva o le Matagaluega o Faatoaga ma Faigafaiva . O se ootoga lenei o tapenaga o le Pulega o le Siosiomaga o le Gataifale ma le Va'aia Lelei o i'a ma figota.

**Feiloaina Muamua :** O lenei feiloaiga muamua sa faafesootai lea e Totive . Aloaina (SFO) o le Ofisa o Faigafaiva i le Aso 4 o Aukuso, 1999 . Ona o se talosaga mai le Afioaga mo se fesosoani mo lo latou gataifale.

**Fono Muamua:** O le tauaofiaga o le fono tele a le Afio'aga i le Aso 31 o Aukuso , 1999 na taliaina aloaia ai polokame ma sa vaevaeina ai loa le mamalu o le Afio'aga i ni vaega e tolu.

**Vaevaeina o Vaega :** O vaega sa vaevaeina i ai e aofia ai Matai , Aumaga ma le Komiti a Tina ma Tamaitai . Sa feiloai nei vaega ma sui o le Ofisa o Faigafaiva (Extensión staff) ma faatalatalanoaina o faafitauli o le gataifale o loo aliae i le Afioaga atoa ai ma ni tali talafeagai e áfono foia ai nei faatitauli.

**Komiti Faufautua mo le Va'aia Lelei o i'a ma figota (KFVL):** I lenei komiti o lo'o aofia ai sui taitoatasi sa filifilia mai i vaega taitasi latou te molia finagalo faa'alia o vaega eseese i se fonotaga faale-komiti . O lenei komiti sa latou tuufaatasia faamaumauga ma faamatalaga mai i vaega taitasi ma sa mafai ai ona latou tapenaina se ata faataitai o le Pulega o le Siosiomaga o le Gataifale ma Va'aia Lelei o i'a ma figota . O lenei fuafuaga o lo'o aafia ai lagona o tagata o le Afio'aga i le puleaina o faigafaiva ma le siosiomaga o le Gataifale.

**Tauaofiaga o le Fono Tele:** O le a tauaofia lenei Fono i le Aso 29 Oketopa , 1999 mo le taliaina atoa ma se teuteuga o le fuafuaga muamua o le pulega o le Siosiomaga o le Gataifale ma le Va'aia Lelei o i'a ma figota.

#### **4. Fuafuaga Faataatitia**

O fuafuaga faataatitia o ni gaiouga ua faamoemoe e faono foia ai faafitauli ua faaalua ma faailoa mai e vaega eseese o le Afio'aga. E lua (2) ituaiga fuafuaga faataatitia lea ua fuafuaina . Muamua , o le fuafuaga ua aupito sili ona taua , o fuafuaga faataatitia lea ua faaagaga mo nuu poo Afioaga . O lona lua o fuafuaga faataatitia , ua faamoemoe lea mo le Ofisa o Faigafaiva , ma o lenei tapueina o le faamoemoe ua fuafuaina. O gaiouga uma lav ua faamoemoe e faatino ai fuafuaga faataatitia mo le Ofisa o Faigafaiva e ao ona faamaonia e le Faatonu Lagolago (Faigafaiva) o le Matagaluega o Faatoaga ma Faigafaiva . O ne fuafuaga uma ua faamoemoe lo latou faataunuuna i le lagolagosua mai o le Afioaga ma ona tagatanuu. O fuafuaga faataatitia o le a fesosoani ai vaega o faigafaiva e ala atu i ata video m, pepa o faamatalaga , faia o ni tautalaga i vaega eseese e pei o aoga ma faalapotopotoga faale- ekalesia atoa ai ma le susesueina o tulaga eseese o le gataifale e talafeagai mo atinae.

Na faavae ma pasiaina e le fono a le komiti i le aso 28 o Setema , ni tulafono e aiaia ai nisi o mataupu e pei ona taua :

. *O faigafaiva le talafeagai -( e pei o fanaia ,vailaau oona , ava niukini ma isi)*

. *Faaititia faigafaiva i le aloalo*

. *Nisi o vaega faasaoina e pei o - ogasami faasaoina , faafaatoagaina o ia ma figota o le sami.*



O se aotelega o nei fuafuaga faataatitia na faapogai mai leai faatalatalanoaga o faafitauli ma tali talafeagai i fonotaga a vaega eseese o le Afio'aga . O nei fuafuaga ua aofia ai faatinoga ma tulafono e pei ona fautuaina e vaega eseese mo le fono mamalu a Alii ma Faipule .

#### ***4.1 Ina ia faamalosiā tulafono faale-nuu e faasaina ai faigafaiva e le talafeagai i Fagae'e.***

##### **Otootoga**

O nisi o faigafaiva ua mautinoa lo latou tulaga ogaoga i le faatamaiaina o le fogatai (amu) ma le tele o meaola o le gataifale , ma o se faataitaiga o nei ituaiga o faigafaiva e pei o le vailaau tālavalava ,ava niukini ,tuiga poo le faamoa atoa ai saeuga ma fanaia. Ua le gata ina faatamaia ai se vaega tele o le fogatai (amu) ae ua faapena foi ona faaumiumi se taimi e mafai ai ona toe faatupuina le tele o mealoa o le gataifale ua aafia ma mamate i nei ituaiga o faigafaiva .A faaleagaina le fogatai o lona uiga o le a leai ni i'a ma ni figota e maua mai .

##### **Fuafuaga Faataatitia a le Afio'aga.**

Ua molimauina e le Afioag le malu puipuia o pulega faalenuu i aso nei. O le fonotaga i le aso 28 o Setema ,1999 a le Komiti (KFVL) na molimauina ai le toe faamalosiā ma unaia ai le komiti ina ia toe faasalalauina ma faamautuina ataili le tulafono ina ia malu puipuia ai tulaga o le atinae aemaise o ogasami faasaina .

##### ***Tulafono :-***

*“Ua matua faasaina lava faigafaiva le talafeagai e pei o fana'ia, ava niukinio ,faamo'a/tuiga/saeuga ma vailaau oona i le gataifale o le Afio'ag o Fagae'e.”*

##### ***Faasalaga Fautuaina***

O le faasalaga o loo i ai nei mo se tagata e maua ua ia solia lenei tulafono ,o le lima(5) aumatua.

##### **Fuafuaga Faataatitia a le Ofisa o Faigafaiva**

O le a fesoasoani le Ofisa o Faigafaiva mo le faatinoina o fuafuaga faataatitia a le Afio'aga e ala atu i lana polokalame fesoasoani faatasi ma le lagolagosua i faamatalaga ma fautuaga mo le faamautuina o fuafuaga atoa ai ma le faasalalauina o nei tulafono a le Afio'aga pe a maea ona pasia ma tapenaina e Alii ma Faipule o le Afio'aga.

## ***4.2 Ia faasalalauina tulafono a le Afio'aga***

### **Otootoga**

O le fonotaga i le aso 28 o Setema 1999, na faatalosagaina ai e le komiti a le Afioaga se fesoasoani a le Malo mo le faasalalauina o nei tulafono e ala i le Ofisa o Faigafaiva aua lava le malu puipuia ma lona mautu lelei.

### **Fautuaga**

Ina ia silafia ai e le Atunuu aemaise ai o Afio'aga tuaoi ma ia faapea foi ona nofouta i ai e tusa o faasalaga ua aiaia e Alii ma Faipule o Fagae'e.

### **Taimi Fautuaina**

O le faasalalauina o tulafono uma atoa ma ona aiaiga o le a faataunuaina pe a maea ona pasia e le Fono a Alii ma Faipule o le Afio'aga i le aso 29 Oketopa, 1999.

### **Fuafuaga Faataatitia a le Ofisa o Faigafaiva**

O le fesoasoani le Ofisa o Faigafaiva i le tapenaina o le tulafono a le Afioaga atoa ai ma le faasalalauina mo le silafia e le Atunuu. O lenei foi tulafono, o le a faamalosi e le Ofisa o Faigafaiva lalo o lana Tulafono 1996.

## ***4.3 Ia iloiloina le tulaga talafeagai o le faasaoina o se vaega o le gataifale o le Afioaga.***

### **Otootoga**

O se vaega o le gataifale ua faasaoina e tataua ona le toe aafia lea i ni faigafaiva. O le avea o se vaega o le gataifale ma ogasami faasaoina e ao ona aafia ai le malu puipuia o le siosiomaga ma ona tamaoaiga (fogota ma i'a). O lenei vaega faasao o le a faasaoina ai togotogo, amu, aau faapea foi i'a ma figota ina ia mafai ona maua e nei meaola le avanoa e tautuufua ma fanafanau ai. O le autu taua lava, o le a avea ai lenei faasao ma punaaga o ia ma figota e mafai ai ona faaleleia nisi o vaega o le gataifale ua afaina. O le a fanafanau ma tautuufua i'a ma figota o lo'o aumau ma nofonofo i le vaega faasaoina ma tafea atu o latou fua fanal ma faatupuina ai meaola i nofoaga ua le maua ai ni i'a ma figota. O le a le pine ona manuia i tatou ae faapea foi tupulaga p le lumanai.

### **Fuafuaga Faataatitia a le Afio'aga**

*O le Afio'aga o ao ona --;*

- \* Galulue faatasi ma lagolagosua i le afaigaluega a le Ofisa o Faigafaiva i le faatinoina o le iloiloga o le tulaga talafeagai o se vaega o le gataifale o Fagae'e e avea ma vaega faasaoina.
- \* Talanoaina ma auiliilina se lipoti ma ia faia iai se faaiuga i le faavaeina o le vaega faasaoina.
- \* Ia faatinoina loa fuafuaga mo le faavaeina o le vaega faasao e pei o le mataitau ,tausiga ma le pulea lelei o se vaega ua atofaina .

### ***Fautuaga***

Ua fautuaina e le Komiti le faia o se tulafono e faasaina ai so'o se tasi ona toe fagotaina le vaega ua faasaina e le Afio'aga.

### **Tulafono**

*“Ua matua faasaina lava so'o se tasi mai nisi o Afio'aga ona toe fai ni faigafaiva ma so'o se isi lava ituaiga o fagotaga i le gataifale o Fagae'e i vaega o le aloalo ua faasaina ”*

### **Fuafuaga Faataatitia a le Ofisa o Faigafaiva**

O le Ofisa o Faigafaiva o le a :-

- \* Faatinoina le suesuega o le tulaga o se vaega o le gataifale e avea ma vaega faasaina a'o le'i maea le masina o Ianuari, 2000.
- \* Saunia se lipoti mo le tuuina atu i le komiti o le Pulega O Faigafaiva ma le fono.
- \* Pe a tusa ai o le a tuuina atu ni fautuaga ma ni faamatalaga mo le tausiga, pulea ma le vaaia lelei o le vaega faasaina o le gataifale o le Afio'aga .

### ***4.4 Ia iloilo ina le tulaga talafeagai ma le lelei o le gataifale mo le tufaina atu ma le faafaatoagaina o i'a ma figota***

#### **Otootoga**

O le tufaina atu ua faatatau lea i le aumaia o ni figota po'o ni i'a mai isi Atunuu ma tufa atu e faaola i se ogasami ua talafeagai .O le faafaatoagaina ua faatatau lea i le faaolaina-i-vai o ia ma figota i se nofoaga ua saunia .O le tufaina atu ma le faafaatoagaina o nisi ia o auala faa-atinae mo le faatupuina o i'a ma figota aua le fofoga taumafa o se afio'aga. O nei auala faa-atinae e moomia ai lava le galulue filiga ma le faamaoni o le Afio'aga ina ia ausia se taunuuga lelei.

### **Fuafuaga Faataatitia a le Afio'aga**

*E ao i le Afio'aga ona -:*

- \* Galulue faatasi ma le afaigaluega a le Ofisa o Faigafaiva i le faatinoga o le iloiloga pe talafeagai ma lelei le gataifale o Fagae'e i le tufaina atu ma le faafaatoagaina o i'a ma figota.
- \* Auiliiliina o se lipoti i suesuega o le talafeagai o le gataifale , ma ia faia se faaiuga i le faatinoina o nei atinae i totonu o Fagae'e.
- \* Galulue faatasi mo le leoleoina o nei atinae ma vaaia o tagata o lo o latou faatamaia ma solia tulafono e faatatau i nei atinae.

## **Fuafuaga Faataatitia a le Ofisa o Faigafaiva**

*E ao i le Ofisa o Faigafaiva -;*

- \* Pe a tusa ai ma fuafuaga o le a tuuina atu figota mo le tufaina atu i ogasami ua fuafuaina .(faisua)
- \* Fesoasoani i le vaaia ma le mataituina o le sologa lelei o le tuputupu ae o figota ua atinaeina.

### **4.5 Ia unaia Faigafaiva i tuaau ma Aoaoga mo faigafaiva Otootoga**

E mafai ma faaono faaleleia le tamaoaiga o i'a ma figota maua i luga o l aau ma vaega o le gataifale ua faaleagaina pe afai ae faaitiitia le fagotaina o nei vaega o le gataifale po'o o le unaia o tulaga tau faigafaiva i tuaau ma aau mamao . O se tasi o auala e faaono faalelei ai le tamaoaiga o le gataifale o le fagotaina lea o ogasami o le gataifale e lei fagotaina lava aemaise o tuaau . Ua i ai le talitonuga i le KFVL e ao ona unaia ma faamalosi le faigafaiva i tuaau ma aau mamao ina ia tuumamaina ai le fagotaina o i'a ma fagota o le aau ma le aloalo . Ua le gata foi i lea , ae o le a mafai ai ona toe faatupulaia ma faaleleia ai le tamaoaiga o le tele o vaega o le gataifale ua faaleagaina . Talu ai ona o le tele o nuu e leai ni vaa e talafegai mo fagotaga i tuaau o lea ua taumafai ai le Ofisa o Faigafaiva e sailia ni vaa talafeagai ma lea faamoemoe.

### **Fuafuaga Faataatitia a le Afioga**

Ua faatalosagaina e le afioga le Ofisa o Faigafaiva mo ni a latou vaa fagota se Tolú (3) ma ia faatinoina se aoaoga i auala tau faigafaiva e aoaoina ai le autautai o le nuu ma ia faatautaia e se Alii Ofisa o Faigafaiva ua i ai se tomai faapitoa tau faigafaiva .

**Faamatalaga faaopoopo - Vaa mo fagotaga i tuaau;** O le leai o ni vaa talafegai mo fagotaga i tuaau o le ala lea ua avaea ma vaegase i le unaia o faigafaiva i tuaau. E leai se vaa fagota e i le va o le alia ma le paopao, ma o se vaa i lea va ua talafeagai , ua filifilia ai le vaa e i le va o le 14-16ft ma o lona tau e itiiti ifo o le \$10,000.00 tala tuufatasi i ai ma lona afi . O lena ituaiga vaa e mafi ona faaauvaaina e ni tagata se toa 2 pe 3 foi ma e mafai ona faaogaina lena vaa i faigafaiva i tuaau. O le a fesoasoani le Ofisa o Faigafaiva i aiaiga taitasi i mea tau nonoga tupe aua le faatauina o le vaa ma le afi . O le a faia foi ni aoaoga mo le saogalemu i luga o le sami , teina ma le vaaia lelei o i'a tausiga o vaa atoa ai ma le faiga o mea fagota.

### **Fuafuaga Faataatitia a le Ofisa o Faigafaiva**

O le a ioloina e le Ofisa o Faigafaiva manaoga i auala tau faigafaiva e ao ona fesoasoani ai e aoaoina ai le mamalu o le autautai o le Afio'aga .O itu taua o le a aafia i nei aoaoga e pei o le teuina ma le vaaia lelei o ia ,saogalemu i luga o sami , tausiga o afi vaa , faa'asuina o i'a ma isi lava mataupu taua.

### **4.6 Faamatalaga e uiga i Upega ma I'a laiti**

#### **Otootoga**

O le talanoaina o upega i le fonotaga i le Aso 28 o Setema ,1999 ma ua ioeina ai e le komiti le faaaogaina loa o le Tulafono Faatonutonu mo Faigafaiva 1996 e pei ona pasia e le Malo o Samoa ia Aperila i le tausaga 1996 mo le vaega e pei ona taua i luga .O lenei tulafono o loo aofia ai mata-upega fagota ma pa ia e faatagaina .(Silasila i le Pepa Faamatala 6) atoa ai ma le tulafono e aiaia ai le lapopoa talafeagai o ia e ao ona fagotaina .

#### **Fautuaga**

Sa fautuaina e le Komiti le Ofisa o Faigafaiva ina ia taofia le faatauina mai e le Faleoloa o Faatoaga o upega mata nini'i, ae peitai sa faaalua e le Ofisa o Faigafaiva e le mafai ona faia lea tulaga i le taimi nei ona o nei upega o lo o faaaogaina i isi galuega e pei o togalaau aina atoa ai ma isi atinae e puipui mai ai i iniseti faalafua.

Sa faaalua e le Ofisa o Faigafaiva o loo iai tulafono a le Malo ua maea ona pasiaina e faatatau i le faaaogaina o nei upega mo fagotaga ma ua faamalositia nei foi e le Malo faasalaga mo soo se tasi e solia lenei tulafono.

#### **Tulafono**

Mo tagatanuu o Fagamalo faapea tagata ese mai isi afioaga:-

“Ua matua faasaina lava ona toe faaaogaina matāupega e i lalo ifo o le 2 inisi pe 50mm (fua sūsū), i gataifale o le Fagae'e”

“Ua matua faasaina foi ona toe faaaogaina upega tolomatu ma tili e i lalo ifo o le 1.2 inisi pe 30mm (fua sūsū) i gataifale o le afioaga.”

O le puipuiga ma le faamamaluina o lenei tulafono o le a i aao o le pule a alii ma faipule ma le afioaga.

### **Fuafuaga Faataatitia a le Ofisa o Faigafaiva**

O le a fesoasoani le Ofisa o Faigafaiva mo le faatinoina o fuafuaga faataatitia a le Afioaga e ala atu i lana polokalame fesoasoani faatasi ma le lagolagosua i faamatalaga ma fautuaga mo le faamautuina o fuafuaga uma.

#### **4.7 Tulafono e taofia ai le faatafunaina o le gataifale – lafoaiina o otrota i le sami ma matafaga.**

##### **Otootoga**

O se tasi lenei o vaega o loo lavea i tulafono ua maea faasalalauina ma ua ioeina e le Komiti ina ia toe faaopoopoina faasalaga ina ia mafai ona saga unaia pea le Afioga mo lona lelei alu i luma .

##### **O le lafoai o otaota i le sami ma le matafaga e faapogai ai le ;**

- Avea ma nofoaga e tautuufua ai namu, faamanu’alia ai pe lavevea ai vae mai atigi apa ma atigi fagu ae faapena foi ona avea ma nofoaga o punaaga o faama’i .
- Avea o se nofoaga le talafeagai mo meaola o le gataifale .

O le foia o nei faafitauli o le atofaina lea o se nofoaga e lafoai uma i ai otaota a le Afio’aga atoa . E mafai ona lafoai otaota i se lua ma ufiufi malu lelei aua le saogalemu mai i faamai ma siama feaveai . Talu ai e mafai ona tafe ma ulu atu le oona o lapisi po’o vaila’au e lafoai i le lua o lapisi , o lea e fautuaina ai le eliina o lenei lua o lapisi i se nofoaga mamao ese mai i puna vai taumafa ma le sami.

##### **Fuafuaga Faataatitia a le Afio’aga**

O nisi o fuafuaga faataatitia a le Afio’aga o le saunia lea ma eliina o se lua e faaagaga mo le tuuina i ai o lapisi ma otaota e pei ona taua.

##### **Tulafono**

*“Ua matua fasaina lava ona toe lafoai lapisi ma otaota e pei o atigi apa , fagu , uamea, pepa iila ma isi i le sami.”*

##### **Faasalaga**

O le solia o lenei tulafono o lona faasalaga e \$20.00 O le le usitaia o lenei faasalaga o le a tuuina atu loa i aao o Alii ma Faipule.

##### **Fuafuaga Faataatitia a le Ofisa o Faigafaiva**

O le a fesoasoani le Ofisa o Faigafaiva mo le faatinoina o fuafuaga faataatitia a le Afioaga e ala atu i lna polokalame fesoasoani faatasi ma le lagolagosua i faamatalaga ma fautuaga mo le faamautuina o fuafuaga.

#### **Talosaga a le Afioaga.**

(1) *Tolu vaa fagota*

(2) *Faatoaga Faisua*

